


晉書纂註

濮文波署



姚懷箴先生遺象

濮文波敬題



晉書纂注序

徽州古新安郡黃山白嶽雄奇磅礴泉唐弋源遠流長宜其孕育人才儒林輩出蓋得山川之氣厚且深矣歷代皆尚樸學自宋考亭朱氏明正希金氏爲理學正宗而有清江慎修戴東原諸子則註經考禮旁及天文曆數之學其後夥人俞理初汪南士程伯敷湯白珩胡敬庵諸君皆博通經史各有著述而姚懷箴先生銘恭於俞汪程湯四君爲後進於胡則在戚友之間也獨喜探討史籍以爲一代之治亂興衰載在史乘學者如能熟研史學其上者可體國經野其次亦煥爲文章時清代方以制藝取士先生早歲絕意科名晚清以孝廉方正徵堅辭不應隱居名山從事著作嘗謂晉書承史漢三國志之後至唐太宗稽古右文勅史官房玄齡褚遂良許敬宗等開館纂錄太宗間亦親灑宸翰撰著宣武紀與陸機王羲之傳數篇以示模楷文則奧衍廣博事則參伍錯綜虛學者不易卒讀爰采集正典別錄及舊說數十種爲之纂注考訂異同皆網羅舊聞不參己意從事十餘年僅完成帝紀纂注十卷其列傳與載記或甫理其端或才及其半而先生之精力殫矣夫以矧矧老儒獨處深山欲博考羣書已屬匪易其間扼要斷制去取謹嚴非具有史才曷克臻此惜天不憖遺豐其學而靳其遇全書未竣遽歸道山彼蒼之厄斯文也亦酷矣哉然世有著作等身不得門人子嗣爲之揚扆以致淹沒於空山巖谷者多矣今其哲嗣濟和將先生遺著申請人民政府准其刊而公之於世語云莫爲之前雖

美弗章莫爲之後雖盛弗傳俾窮年兀兀之功不至唐喪亦天之所以報先生也濟和將遺稿已完之帝紀注十卷因咸胡君紹聲介於徐子彙生由彙生轉請文波鑒定並乞作序文波衰耆不克卒讀商諸彙生代爲校閱彙生曾受史學於胡徵君敬庵紹聲爲徵君從子胡姚至咸誼不容辭姚氏昆仲擬印成後分贈親友及有知交介紹之學校圖書館供人瀏覽既免先人遺稿散佚亦庶幾有裨於著作之林文波嘗崇樸學今獲讀先生遺著已欣喜過望復嘉濟和之能繼志述事也爰樂而爲之序並誌其刊書原起如此云

中華人民共和國公元一九五四年歲在甲午春月中江濮文波時年八十又五

晉書纂注序

史不可無注猶經不可無傳也明道先生云經不通求之傳傳不通求之經史與注關係何莫不然雖然自有史以來注者多矣其原原本本殫見洽聞者幾人哉蓋史有體裁有主旨注者必洞明斯意始克補偏救弊不徒以攷據炫才體裁有二凡遞次歲月繫以當代之事謂之編年分記君臣載以行事之始終謂之紀傳官左開其例踵之者惟龍門所見固間有紕繆實勒成一家體裁完整足爲二十一代史法他如班史之固范史之誕陳史之誣後儒已不免訾議至兩晉史書更自檜以下已夫史才不擇時而生胡爲今不逮古大抵史漢三國書出一手各有主旨抱定不移自唐貞觀中敕修晉書是爲史出官府之濫觴預其事二十有一人房喬褚遂良于志寧李淳風顏師古孔穎達輩雖皆一時人望顧各是其是非其非主旨殊立言互異固不僅駢四儷六搜神語怪貽笑大方也然則史不可無注歟吾鄉姚君懷箴有鑒於此意於何氏超晉義外分門詮注爲後學津梁起丙辰訖乙丑竭十年之力採經摭傳折衷一是甫歲帝紀遽歸道山其戚胡君敬庵黃君宓山深爲惋惜勸其子克恕繼述完之余謂書之傳否在精麤不在多寡卽如畢氏沅晉書地理志新補正五卷洪氏亮吉東晉疆域志四卷十六國疆域志十六卷錢氏儀吉補晉兵志一卷何嘗不局於藩門又何嘗不膾炙人口況帝紀握全書綱領注此則志二十列傳七十載紀三十注也可不注也可近雖有吳

氏劉氏合著之晉書纂注已刊成書然以相校徵引既殊去取有別實可竝存矧姚君積年劬學成就如斯遷史之功詎容湮沒爰徇克恕之請率筆以弁簡端壬午天中節至德周學熙序時年七十有八

姚銘恭晉書纂注序

徽學於清代稱盛徽州六邑休寧歙婺源績溪學者蔚興祁門罕稱黟爲徽屬小邑嘉道以前學術無聞自先大父允倩博士咸豐間官黟訓導提倡講學同時俞理初正斐汪南士文盛二先生與先大父相質疑汪先生過從尤密先大父經史答問多答汪氏蘊義自是黟學始振繼之者程伯敷馮詔湯白珥球二先生皆俞汪弟子世稱爲黟四先生者也余協修清史曾爲之傳補史稿儒林文四先生之學俞淹博百家而汪湛深經史經學疑義俞嘗質於汪鄉人多傳其佚事程擅文章學稍異於俞汪從先大父游者尙有程徵君仲威朝儀侍先大父最久傳經小學與先君仲我協修最善其弟子甚衆以胡徵君敬庵元吉爲最知名皆有著述俞汪之傳程湯二先生外無聞湯固傳汪之史學輯晉代史數十種行于世其後姚茂才懷箴銘恭傳湯氏之學用力晉書甚勤擬爲之注以繼汪湯之業僅成帝紀而卒敬庵爲撰傳甚推崇之民國甲申姚茂才子濟和恐遺稿久而散佚躬抄數卷寄示乞序余以校清史館故友吳綱齋先生晉書斠注其蒐采之富不逮而於本書互證則較吳書爲密天不假年未能卒業全書良堪歎惋余居黟時鮮未面姚茂才然嘗聞敬庵稱其甘淡泊篤孝友劬學問潛心著述而憫其獨處荒山塊然寡儔網羅匪易視吳氏居通都廣見聞難易不啻霄壤然姚茂才能藉湯氏所輯晉代諸史復能貫穿本書傳志綜核同異訂補糾正饒有俘獲堪以補苴吳書洵足紹師門史學

光鄉賢遺緒矣而濟和思先人心力墮廢不彰亟思刊行此孝子之盛誼余故不辭而爲之序並略述黟學傳授原流俾當世學者知姚茂才史學固確有淵原也中華民國三十四年乙酉人日東華舊史朱師轍書于北平城南黟館時年六十有七

傳

徵君姓姚名銘恭亦名民中字懷箴號樵隱山人黔之桑溪人也少端謹從同邑韓咸和湯南田與休寧楊子允諸先生游姚氏世孝友重農桑家法嚴飭徵君內承諸父之訓外受良師之教循循于禮法之中無疾言戲笑跬步必謹尤嚴取與一介必辨兄弟同財始終無間喪葬遵古禮淡于進取年逾于卅始補博士弟子員即棄舉子業留心撰述慨近世民族之學不講有數典忘祖之嫌纂百家姓考系一編建德周緝之廉訪喜其精賅序而行之著晉書注至成帝紀而絕筆宣統紀元依故事命有司舉孝廉方正之士萃試京師邑人以徵君與汪附貢先甲姚孝子聯達名聞老未就試詔賜六品冠服士論榮之所居桑溪之南山水清幽桑蔭蔚然老屋數間荆扉晝閑左右簡編室無纖塵園中花木四時不絕晨夕灌溉樂而忘倦尺樹拳石爲所點綴雅有深致長身鶴立白鬚飄然六十後燈下抄書尙能蠅頭小楷賓朋蒞止園蔬家釀殷勤款曲與何大使承培金副貢熙及元吉交最篤乙丑四月下旬元吉爲子行冠婚禮徵君喜走賀一飯而去未逾月聞徵君疾急走視已彌留矣卒年六十有七配胡氏卽元吉姑母夙有淑德能偕隱子三克忠克恕克惠皆孝謹服賈遠方得佳味必先馳寄孫四徵君雖耆于遇而能安貧自樂如此大殯有日諸子匍匐杏墩乞爲文表生平爲次其傳論曰黔以孝廉方正舉者自宋俞康直以後不乏篤謹之士惟汪徵君廷榜湯徵君球以著述聞徵君湯徵君

再傳弟子也淵源不昧信歟 姻憑姪胡元吉拜撰

跋

先君懷箴公生平淡於榮利中年以後絕意科名伏處鄉里以著述自娛晚得肝疾艱於起居猶手不釋卷窮年矻矻鈔纂益勤嘗以晉書尙無集註學者不易卒讀乃發心爲之纂注時先大兄已卽世濟和外出從事實業數年一歸省十餘年間見先君勤勞備至且恆以未能完成爲憂憶乙丑年夏間先君自知疾將不起彌留之前夕詔濟和至榻前手授遺編囑好爲保存云我子孫或門弟子中有能續成纂注者則予死且不朽矣壽終時享年六十有七時節如流距先君棄世之年倏忽二十餘稔矣痛徽音之永邈抱遺著而愴惻觀夫數十年中滄桑變易先君之師若友相繼殂謝其後人有箕裘克紹者有楹書抱痛者其遺篇著作能否保存或能發揚而光大之亦殊未能預料濟和每興念及此未嘗不感慨係之繼念先君遺著久藏在家亦恐有意外之變倘不幸而殘缺散佚則愚兄弟負疚深矣謹將先君已完成之晉書纂注帝紀十卷遺稿敬錄副本丐請中江濮文波先生鑒定并求作序弁首於先君史學淵源之有自纂錄之勤劬以逮濟和集資刊印擬分贈戚友及知交介紹之圖書館各大學校種種緣起敘述無遺爰連同前周朱二先生之序及舍戚胡君爲先君所作之傳一并排印以紉於資僅印二百部分贈於人不取印資期不負先君畢生之心血云爾

中華人民共和國公元一九五四年 月

男姚濟和謹跋

晉書纂注 帝紀編

凡例

- 一 宗裴松之三國志注體例略損益之原書頂格引注低一格別之
- 一 引注多用漢晉諸史有散見他書者及他書吻合者俱引皆標書名以徵其實又見本書各傳志者或引注亦錄其大綱
- 一 諸書紀事載明年月未能注於本紀分段者附於某年月後以備參考傳志附注同載記注編年依十六國春秋注於某年末
- 一 諸書載事同辭少異者俱引書辭不贅錄
- 一 注與原史稱號有異者如宣帝懿在晉書則稱帝在注則稱王皆據原書錄之未敢更易餘類推
- 一 晉書成於唐臣之手唐室上代有名昞者史臣避諱改丙爲景皆照原書刊印特爲舉例明之
- 一 引書照錄原文或偶刪簡無臆說妄添隻字恨識見有限分段依注恐未悉當海內賢達幸加釐訂

晉書纂注引用各書書名列後

干寶晉紀

史通摸擬

威榮緒書

太平御覽

何法盛晉中興書

開元占經

劉謙之晉紀

王隱晉書

朱鳳晉書

食貨志

刑法志

晉紀總論註

世說注

勸進表注

鄧粲晉紀

書鈔

事類賦注

文選石闕銘注

曹嘉之晉紀

蕭方等三十國春秋

郭茂倩樂府

晉陽秋

檀道鸞續晉陽秋

頭陀寺碑文注

禮志

輿服志

通鑑

簡文紀

通鑑考異

唐類函

水經注

初學記

藝文類聚

通典

白帖

三國志注

起居注

孫盛晉陽秋

宋書州郡志

玉篇

華林園集詩注

玉海

辨亡論

謝靈運晉書

五行志

辨命論注

潘岳西征賦注

習鑿齒漢晉春秋

五居咏注

漢晉春秋

閑居賦注

千寶武帝革命論注

樂志

孫盛論

八王故事

范亨燕書

路史

簡文紀

李冗獨異志

褚淵碑文注

宣德皇后令注

文苑彙雋

劉暉燉煌實錄

謁五陵表注

關中詩注

范尚書讓吏部封侯表注

陳伯之書注

文選桓公九井作注

晉書纂注 目錄

帝紀

晉書纂注卷一

帝紀第一

宣帝懿

晉書纂注卷二

帝紀第二

景帝師

文帝昭

晉書纂注卷三

帝紀第三

武帝炎

晉書纂注卷四

帝紀第四

孝惠帝衷

一一七

晉書纂注卷五

帝紀第五

孝懷帝熾

一四五

孝愍帝鄴

一五八

晉書纂注卷六

帝紀第六

元帝睿

一七五

明帝紹

二〇〇

晉書纂注卷七

帝紀第七

成帝衍

二二三

康帝岳

二三一